

Universala Esperanto-Asocio – UEA

- en oficialaj rilatoj kun UN kaj Unesko -

Peranto en Germanio: d-ro Wolfgang Schwanzer

Pfarrer-Seeger-Strasse 9, 55129 Mainz

wolfgang.schwanzer@esperanto.de

Universala Esperanto-Asocio estis fondita en 1908 kiel organizaĵo de individuaj esperantistoj. Nuntempe UEA estas la plej granda internacia organizaĵo por la parolantoj de Esperanto kaj havas membrojn en 120 landoj.

La ĉefaj celoj de UEA estas:

- disvastigi la uzadon de la internacia lingvo Esperanto
- agadi por la solvo de la lingva problemo en internaciaj rilatoj
- faciligi la internacian komunikadon
- plifaciligi la spiritajn kaj materiajn rilatojn inter la homoj, malgraŭ la diferencoj de nacieco, raso, sekso, religio, politiko aŭ lingvo
- kreskigi inter siaj membroj fortikan senton de solidaro, kaj disvolvi ĉe ili la komprenon kaj estimon por aliaj popoloj.

UEA laboras en pluraj kampoj:

- **UEA eldonas** la revuon Esperanto kaj librojn kaj posedas libro-vendejon
- UEA organizas jare **Universalan Kongreson** kaj aliajn konferencojn
- UEA **kunlaboras kun gravaj organizoj**: Unuiĝintaj Nacioj, Unesko, Eŭropa Unio, Internacia Organizo por Normigo
- En **kulturo kaj edukado** UEA celas altigi la lingvan nivelon kaj kontribui al internacia kultura interŝanĝo per belartaj konkursoj, internaciaj ekzamenoj, kongresa universitato ktp.
- En la **Delegita Reto** ĉirkaŭ 1600 delegitoj en centoj da landoj ofertas al la membraro personajn servojn: turisman informadon, helpon dum vojaĝoj, respondojn al fakaj demandoj.

UEA ofertas al la individuaj Membroj multajn utilajn servojn, ekzemple:

- La **revuon Esperanto** (11 numerojn/jare) aŭ rete aŭ papere
- Aliron al la unika **Delegita Reto - la reta jarlibro**
- Favorajn kotizojn por **Universalaj Kongresoj**
- Favorajn kondiĉojn por aĉetoj en la **libroservo de UEA**

En la **reto** vi trovas la servojn jen: **www.uea.org**

Dorsflanke via vojo al tiu unika tutmonda komunumo >>>>>>>

